

皇清經解續編

皇清經解集編

續編卷千四百六

南菁書院

尚書麻譜一

寶應成蓉鏡芙卿著

大甲元年 入甲辰統一千四百四十三年

伊訓惟大甲元年十有二月乙丑朔伊尹祀于先王誕資有

牧方明

世經

伊訓惟元祀十有二月乙丑伊尹祠于先王

梅頤本

十二月小

一日乙丑朔 伊訓十有二月乙丑朔

世經

二日丙寅

三日丁卯

四日戊辰

五日己巳

六日庚午

七日辛未

八日壬申

九日癸酉

十日甲戌

十一日乙亥

十二日丙子

十三日丁丑

十四日戊寅

十五日己卯

十六日庚辰望

十七日辛巳

十八日壬午

十九日癸未

二十日甲申

二十一日乙酉

二十二日丙戌

二十三日丁亥

二十四日戊子

二十五日己丑

二十六日庚寅

二十七日辛卯

二十八日壬辰

二十九日癸巳

案三統上元至大甲元年十四萬一千四百九十二算外
盈元法四千六百一十七除之餘二千九百八十二盈統
法一千五百三十九除之餘一千四百四十三是爲人甲
辰地統以來年數也以章月二百三十五乘之得三十三
萬九千一百五如章歲一十九而一得積月一萬七千八
百四十七閏餘十二有閏以月法二千三百九十二乘積
月得四千二百六十九萬二十四如日法八十一而一得
積日五十二萬七千三十七不盈者二十七曰小餘積日

盈六十除之不盈者五十七曰大餘數從甲辰起算外得
大甲元年歲前十二月辛丑朔累加朔策大餘二十九小
餘四十三得正月大餘二十六小餘七十命曰庚午朔二
月大餘五十六小餘三十二庚子朔三月大餘二十五小
餘七十五己巳朔四月大餘五十五小餘三十七己亥朔
五月大餘二十四小餘八十戊辰朔六月大餘五十四小
餘四十二戊戌朔七月大餘二十四小餘四戊辰朔八月
大餘五十三小餘四十七丁酉朔九月大餘二十三小餘
九丁卯朔十月大餘五十二小餘五十二丙申朔十一月
大餘二十二小餘十四丙寅朔閏月大餘五十一小餘五
十七乙未朔十二月大餘二十一小餘十九乙丑朔小餘

三十八以上其月大故知十二月小也四分上元至大甲
元年十三萬二千一百二十五算外以元法四千五百六
十除之不盈四千四百四十五以紀法一千五百二十除
之不盈一千四百五如部歲七十六而一得積部十八命
甲子一癸卯二壬午三辛酉四庚子五己卯六戊午七丁
酉八丙子九乙卯十甲午十一癸酉十二壬子十三辛卯
十四庚午十五己酉十六戊子十七丁卯十八算外得丙
午不盈三十七爲入部年以章月二百三十五乘之得八
千六百九十五如章歲二十九而一積月四百五十七閏
餘十二有閏以部日二萬七千七百五十九乘積月得一
千二百六十八萬五千八百六十三如部月九百四十而

一積日一萬三千四百九十五大餘五十五小餘五百六十三遞加朔策大餘二十九小餘四百九十九者十三次得十二月大餘十九小餘四百七十命起丙午算外曰乙丑朔與三統同正合經指錢氏大昕三統術衍李氏銳三統術注推是朔入甲辰統一千四百四十四年者以大甲二年距積求歲前十二月朔也商歲前十二月朔卽夏歲前十一月朔周正月朔置入統歲數一千四百四十四以策餘八千八十乘之得一千一百六十六萬七千五百二十盈統法得一得冬至積大餘七千五百八十一小餘三百六十一積大餘滿六十去之得歲前冬至大餘二十一餘數與朔大餘同故世經於商十二月乙丑朔旦冬至

引伊訓而釋之以冬至祀先王以配上帝也古四分厯
大甲二年入丙午部三十八年以日餘一百六十八乘之
得六千三百八十四如中法三十二而一得大餘一百九
十九小餘十六大餘滿六十去之得歲前冬至大餘十九
與朔大餘同是古四分厯亦至朔同日也江氏聲尚書集
注音疏云歆以乙丑朔爲冬至烏可信乎蓋未通古厯耳
商年月日當以殷厯推按殷厯曰當成湯方卽世用事十
三年十一月甲子朔旦冬至終六府首李氏銳據續志傳
殷厯開闢至獲麟二百七十五萬九千八百八十六歲以
殷術是年至獲麟一千八百八十六年減之得開闢至是年積
年二百七十五萬八千八百以四分元法除之適盡得是

年入天紀甲子部首今案冬至於商爲十二月殷厯誤以爲十一月又先天一日與古文伊訓顯相違倍故劉子駿譏其非是而蔡伯喈亦謂其術與奏記譜注不相應尙書正義以爲秦漢之際假託爲之義或然與今以殷厯推按商時且不合乃爾而直誦施延馮光陳晃輩顧欲用之於後漢不亦傾乎蔡氏沈尙書集傳乙丑日也不繫以朔者非朔日也蓋爲梅本所誤近陳氏懋齡經書算學天文考云大甲元祀子月癸卯朔乙丑二十三日亦與古文不合

周文王受命元年 入甲申統五百九年

案文王受命謂文王受命於紂史記周本紀於虞芮決獄後云諸侯聞之曰西伯蓋受命之君以受命爲在是年與

諸家合攷本紀上文有紂賜弓矢斧鉞使西伯得征伐之
文是文王受命乃受商王得專征伐之命或以爲受天命
傅王非也周本紀又曰西伯蓋卽位五十年案無逸云文
王受命惟中身厥享國五十年鄭注受命受殷王嗣位之
命與史記受命得專征伐
不同江氏聲王氏鳴盛
孫氏星衍辨之最審此周本紀所本皇甫謐帝王世紀

以文王四十二年歲在鶉火更爲受命之元年今以三統
厯推之大極上元至文王四十二年十四萬二千九十七
歲盈歲星歲數一千七百二十八除去之不盈四百一以
百四十五乘之得五萬八千一百四十五如百四十四而
一得積次四百三次餘一百一十三積次盈十二除去之
得定次七數從星紀算外得歲在鶉火世經謂文王受命

九年而崩逸周書文傳解亦云文王受命之九年在鄘召
大子發賈逵馬融王肅韋昭竝同此說統前後討之正得
五十年與無逸史記竝合文王受命元年是歲入甲申人
統五百九年

二年 入統五百一十年
三年 入統五百一十一年
四年 入統五百一十二年
五年 入統五百一十三年

案世經引春秋歷曰周文王四十二年十二月丁丑朔旦
冬至是歲入甲申統二十八章首積月六千三百四十五
無閏餘積日十八萬七千三百七十三大餘五十三小餘

二十七冬至積大餘二千六百九十三大餘五十三小餘
五百一十三至朔同得丁丑文王受命元年爲卽位之四
十二年則此受命五年當爲卽位之四十六年世經作四
十二年或傳聞之異或傳寫之譌疑莫能決也是歲入古
四分厯戊午部三十八年朔大餘十九小餘四百七十冬
至大餘十九小餘十六丁丑朔旦冬至與春秋厯同三統
術衍云易書緯竝以文王受命入戊午部三統以一部爲
一篇文王四十二年丁丑朔旦冬至則已入丁酉部二十
年非戊午部矣今案是歲入甲申統五百一十三年如部
歲七十六而一得積部六命甲申一癸亥二壬寅三辛巳
四庚申五己亥六算外得戊寅部不盈五十七爲入戊寅

部年錢氏謂入丁酉部二十年殆誤以章首爲部首與

六年 入統五百一十四年

七年 入統五百一十五年

八年 入統五百一十六年

九年 入統五百一十七年

案劉歆賈逵馬融王肅韋昭皇甫謐並云文王受命九年而崩周本紀謂西伯受命後七年而崩者蓋本尙書大傳

劉賈馬王並古文家故用古文說視今文爲長

十年 武王卽位一年 入統五百一十八年

十一年 二年 入統五百一十九年

序惟十有一年武王伐紂 世經梅本同

秦誓序惟十有一年武王伐殷

梅本

正月大

二月小

三月大

四月小

泰誓惟四月天子發上祭于畢下至于

孟津之上

尚書大傳

五月大

六月小

七月大

八月小

九月大

十月小

十一月大

十二月小

案世經文王受命九年而崩再期在大祥而伐紂故書序
曰惟十有一年武王伐紂大誓八百諸侯會還歸三統術
衍云此據觀兵而言也洪範惟卜有三祀王訪于箕子則
克商在十三年也劉歆以文王受命九年而崩後二年觀
兵又二年克商與書序洪範之文相應史遷以受命七年
乃遷就其說云九年東觀兵十一年殺紂鄭康成不從史
記而以文王崩後四年始觀兵其實皆不然今案鄭注書
序云十有一年本文王受命而數之是年入戊午部四十